



Qib Kindergarten Kev Kawm Lus Askiv

Cov Hom Phiaj Tseem Ceeb rau Qib Kawm No

Nyeem Ntawv

- Cov tub/ntxhais kawm ntawv yuav hais tau cov npe ntawm cov tsiaj ntawv loj – thiab cov tsiaj ntawv me, muab cov tsiaj ntawv ntawd los phim rau lawv cov suab, thiab sau tau.
- Cov tub/ntxhais kawm ntawv yuav siv cov kev paub ntawm cov tsiaj ntawv thiab cov suab los sau kom tau lo lus raws li lawv hais lub suab.
- Cov tub/ntxhais kawm ntawv yuav muab cov kev ua thiab cov kev paub ntawm cov neeg uas nyob hauv cov dab neeg muaj ntsis sib thooj, xws li cov dab neeg uas tsis muaj tiag thiab cov uas ib txwm hais pug thaum ub los (fairy tales and folktales).
- Cov tub/ntxhais kawm ntawv rov qhia cov dab neeg uas muaj ntsis zoo ib yam thiab tham txog cov dab neeg uas nyeem rau lawv los ntawm siv cov ntsiab lus hauv phau ntawv.

Sau Ntawv

- Cov tub/ntxhais kawm ntawv yuav siv ob peb yam kev kos duab uake, sau raws li lwm tus hais, thiab sau piav qhia tej xwm txheej uas muaj, nrog rau seb nws ho xav licas rau tej uas tshwm sim.
- Tus tub/ntxhais kawm ntawv yuav qhia tau tias nws xav licas lossis nyiam licas txog ntawm ib lub ntsiab lus lossis ib phau ntawv los ntawm kev sau ntawv. (xws li, “Phau ntawv uas kuv nyiam yog...”).

Kawm Lus

- Cov tub/ntxhais kawm ntawv yuav to taub thiab siv cov lus nug (xws li, *leej twg, dab tsi, qhov twg, thaum twg, vim dab tsi, ua licas*) rau hauv cov kev sib tham.
- Cov tub/ntxhais kawm ntawv yuav kawm kom cim tau, sau tau lo lus kom yog, thiab paub siv cov lo lus me me uas muab coj los uake kom yog (xws li, *a, the, to, of, from, I, is, are*).

Hais Lus thiab Mloog Lus

- Cov tub/ntxhais kawm ntawv yuav koom rau chav kawm tej kev sib tham thiab ua raws li cov cai rau kev sib tham (xws li, kawm kom paub mloog lwm leej lwm tus thiab cia ib leeg hais ib zaug thaum tham lus).
- Cov tub/ntxhais kawm ntawv yuav txawj hais lus kom meej meej qhia txog lawv kev xav, kev xav licas, thiab cov tswv yim, nrog rau kev qhia kom ntxaws ntxaws ntawm cov neeg uas muaj ntsis zoo ib yam, cov chaw, khoom ub khoom no thiab cov xwm txheej uas muaj.
- Cov tub/ntxhais kawm ntawv yuav paub nug thiab teb cov lus nug txog tej ntsiab lus tseem ceeb hauv cov dab neeg lossis lwm cov ntaub ntawv uas muab nyeem tawm nrov nrov.



Kindergarten Kev Kawm Lus Askiv

Npaj Txhij rau Kev Kawm Qib Siab, Kev Ua Haujlwm, thiab Lub Neej

Cov tub/ntxhais kawm ntawv yuav ua kom tsim tau cov peev xwm li hauv qab no rau ntawm kev nyeem ntawv ntawm tus kheej:

- Qhia tau tias tus kheej ua tau.
- Tsim kev paub zoo ruaj khov.
- Teb rau cov kev xav tau ntawm cov neeg tuaj saib, tes haujlwm, lub homphiaj, thiab kev qhuab qhia.
- Muaj kev paub zoo ib yam nkaus li kev thum.
- Saib tej pov thawj muaj nqis.
- Siv cov cuab yeej technology thiab digital media kom zoo thiab tsim nyog.
- Los nkag siab txog lwm tus txoj kev pom thiab kev cai (cultures).

Kuv Yuav Txhawb Pab Kuv Tus Menyuum Tau Licas?

1. Nyeem Ntawv Nrog Koj Tus Menyuum

- Rau siab ntso nyeem ntawv rau koj tus menyuum. Nws tseem ceeb heev uas los xyaum nyeem ntawv txuas ntxiv rau koj tus menyuum txawm hais tias tom qab uas nws twb txawj nyeem nws tus kheej lawm. Nyeem ntawv dab neeg, paj huam, thiab lwm yam ntawv uas yog tsis hais hom lus twg.
- Nrhiav cov dab neeg nyeem uas muaj cov suab thiab cov lo lus sib dhos, thiab kom koj tus menyuum nyeem lossis hu nkauj nrog koj uake.
- Mloog koj tus menyuum nyeem rau koj thiab sib hloov ib leeg nyeem ib zaug uake.

2. Tsim Kom Muaj Cov Lus uas Siv Hauv Lub Neej Txhua Hnub

- Tsim kom muaj cov peev xwm kev mloog thiab cov lo lus los ntawm koj tej kev ua txhua hnub. Tham txog seb koj ua dab tsi thaum uas koj ua zaub ua mov noj, tsav tshab, mus tom khw lossis mus saib tej thaj chaw tshiab.

3. Cia Kom Muaj Kev Nyuab Kev Tawm Tsam

- Tsis txhob cuam tshuam koj tus menyuum kev nyeem ntawv yog yuam kev dhau ntawm qhov tias nws hloov txhais tsis mus zoo ib yam.
- Pab koj tus menyuum xyaum hais cov suab kom tawm rau cov lo lus tshiab thiab cov lo lus uas nyuaj.

4. Kawm Cov Lo Lus Uake

- Txhob cov lo lus thiab cov tsiaj ntawv los ntawm cov magazine koj los uasi nrog thiab siv cov tsiaj ntawv uas muaj hlau nplaum lo rau ntawm lub tub yees.
- Thaum uas koj tus menyuum pib nyeem ntawv tau nws tus kheej, qhia cov lus tshiab thiab xyaum hais kom tau cov lo lus ntawd kom meej.

5. Tham Txog Kev Nyeem Ntawv

- Tham txog cov neeg thiab cov xwm txheej uas tshwm sim hauv nyob hauv zaj dab neeg. Nug koj tus menyuum txog cov kev sib raug zoo ntawm cov neeg nyob hauv zaj dab neeg, seb ib tug neeg hauv yuav daws teebmeem licas, lossis muaj dab tsi tshwm sim rau thaum pib, thaum txog nrab, thiab thaum kawg.
- Tsim kev peev xwm txog kev sib piv. Nug tias seb tus neeg los sis hom kev kawm hauv ib phau ntawv kawm ho sib thoog lossis sib txawm licas los ntawm lwm cov phau ntawv uas koj tus menyuum tau nyeem lawm.
- Tom qab uas nyeem ntawv tag, nug koj tus menyuum kom qhia seb nws nyiam lossis kawm tau yog dab tsi.
- Tham txog tus kws sau ntawv lub tswv yim. "Puas yog nws xav qhia peb txog ib qho kev kawm hauv zaj dab neeg?" "Nws ua licas kom peb muaj txoj xav?"
- Hais kom koj tus menyuum qhia seb nws nyiam qhov twg tshaj thiab qhia tias yog vim licas. Tham seb cov phau ntawv nyeem twg yog cov uas ke nyiam ke xav es thaum kawg mam paub tias vim licas, cov phau ntawv twg yog cov uas sau txog mus ncig rau ntau qhov chaw txawv, lossis lwm yam ntawv nyeem.
- Tham txog cov ntsiab lus tseem ceeb uas piav nyob rau hauv cov phau ntawv qhia txog ntaub ntawv ub no. Nug koj tus menyuum kom piav txog qhov uas sib txheeb ntawm ob lub tswv yim lossis yam kev piav hauv phau ntawv kawm.
- Tham txog cov ntaub ntawv uas piav los ntawm cov duab uas muab thiab kos raws li kev sib piv ntawm cov ntaub ntawv los ntawm cov lo lus qhia hauv phau ntawv.

6. Txhawb Kom Nyiam Nyeem Ntawv

- Nrhiav cov phau ntawv nyeem uas muaj cov ntsiab lus koj tus menyuum nyiam.
- Muab kev nyeem ntawv uake ua ib lub hwm tsam uas zoo sijhawm lom zem uake.
- Ua kom kev nyeem ntawv yog kev lom zem ib feem rau koj tus menyuum lub neej txhua hnub.

Yog xav paub ntxiv, mus saib ntawm scusd.edu/ela lossis hu rau Denise-Leograndis@scusd.edu, ELA Coordinator

SCUSD lub Zeem Muag rau Kev Qhia Ntawv thiab Kev Ntsuam Xyuas: *Raws li yog ib pawg neeg kawm, peb sib zog tsim kom muaj cov chaw zoo thiab muaj kev sib koom tes uas yog lub hauv paus qhia ntawv rau tub/ntxhais kawm ntawv. Cov xibfwb siv cov kev qhia raws li ntawm lub hauv paus thiab cov kev ntsuam xyuas uas xyaum koj los txhawb TAG NRHO cov tub/ntxhais kawm ntawv kom paub tab thiab koj tau zoo.*